



22.sept 2016

2016/22

Isertitanit akileraarutit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx.xx 2016-imeersoq

(Aningaasaqarnermut Aatsitassanullu Naalakkersuisoq)

Isertitanit akileraarutit pillugit Inatsisartut inatsisaata allanngortinneqarnissaanik siunnersuut matumuuna saqqummiunneqartoq oqaaseqarfigissavarput.

Nunatsinni aningaasarsiornikkut inuussutissarsiuitigullu siuarsaanissaq siuarsaaniarnerlu tunngavilersuutigalugit inatsimmik allannguiniarneq aningaasaqarnikkut nukittunerulernissamik minnerunngitsumillu inuussutissarsiutinut aningaasalersuisinnaanermut aqutissiusissusaq Naalakkersuisut saqqummiussaata assut iluatinnartut tapersersugassatut isigaarput makku pissutigalugit.

Nunatsinni soraarnerussutisiat katersukkat amerlasuut nunatta avataanut inissinneqartartut ilisimavarput, uanilu inatsisissamik saqqummiussaqaqarnermi anguniagaasoq tassalu nunatsinni aningaaseriviit angerlarsimaffeqartuni imaluunniit ingerlatsisuni aningaasanik soraarnerussutissiassanik ileqqaarsinnaalernissaq piviusunngussasoq saqqummiunneqarpoq.

Taamatut aningaaserivinnut soraarnerussutissiassanik ileqqaarsinnaalernissaq annertuumik inuussutissarsiornikkut sukkanerusumik ineriartornissaq kivitseqataaffigissavaa tamannalu aamma katersalimmut iluaqutaasumik sunniuteqassaaq, unalu Naalakkersuisut saqqummiussaata isumatusaarnertut isigalugu nuannaarutigaarput.

Taamaaliornikkut aamma soraarnerussutissaminik katersaqartup nammineq ileqqaakaminik arlaanut nalilimmik aningaasaliissutigisinnaagussagai siunnersuutigineqapoq, assersuutigalugu pappiaqqanik nalilinnut, imaluunniit arlaanut nalilinnut katersalik aningaasaliissuteqarsinnaanngorpoq.

Tamannalu soraarnerussutissiassanik katersalinnut iluaqutaasussanngorpoq, aammalu inuussutissarsiornikkut aningaasalersuinissamut nunatta iluani aningaasat amerlanerusut atornerqarsinnaanngussapput, tamannalu aqqissuussineq aamma soraarnerussutissanik katersalinnut aningaasanik erniortitsinissaminut pitsaanerusumik periarfissaqarnerulissapput.

Siunissami aningaasaqarnikkut imminnut napatinnerulernissaq aamma tassuuna qaninnerulersinneqassaaq, qularnanngitsumillu soraarnerussutissanik katersalinnik aningaaserivinnut nuussineq atugaallualerpat nunatsinni tamani aningaasalersuinerlut sunniutissaq soraarnerussutissiassanimmi katersallit aningaaserivinnik atorlualerpata nunatsinni ineriartortitsinnissamut tamanut akissaqarnerulissagatta.

Aammalu kinguariinnut tullernut nikinnermi akileraarsusinissamik kinguartitsinermi aningaasat killiussat qaffanneqarnissaat taperserparput. Taamatummi ikaarsaarnermi alloriarnissamut pitsaanerusumik aallartitoqarsinnaanissaa qulaakkeerneqarnerussammat.

Inuiaqatigiit tamatta soraarnerussutisiaqarnissamut katersueqataalerutta nunatsinni tamanik kivitseqataanerulissaagut tamannalu iluarisimaarnarpoq tapersersugassallunilu.

Taamatut oqaaseqarluta aningaasaqarnermut akileraartarnermullu ataatsimiititaliami suliarineqarnissaa innersuussutigaarput.

Hans Enoksen